

ius antiquum collectum est, (quod per eundem virum excelsum Tribonianum, nec non ceteros viros illos illustres & facundissimos confecimus) in quatuor libros eadem Institutiones partiri iussimus, ut sint totius legitimæ scientiæ prima elementa.

§. 5. In quibus breviter expositum est, & quod antea obtinebat *a*, & quod postea, desuetudine inumbratum *b*, Imperiali remedio illuminatum est.

a) subintell. & adhuc obtinet.

b) nota, inumbratum, sed tamen postea illuminatum: ut sequitur. Nam quod in desuetudinis umbrâ relictum est, id nec in hos libros recipiendum fuit.

III. Confirmatio Institutionum.

§. 6. Quas ex omnibus antiquorum *a* Institutionibus, & præcipue ex commentariis Caji nostri tam Institutionum, quàm rerum quotidianarum, aliisque multis commentariis, cum tres viri prudentes prædicti, nobis obtulerunt, & legimus, & recognovimus, & plenissimum nostrarum constitu-

a) Ictorum scil. ex quarum Scriptis & ipsa Digesta composita sunt. Extant adhuc hodie fragmenta quaedam ex corpore Ulpiniani, item ex Institutionibus Caji: Quæ tamen, ut & alia, ex quibus ius Iustinianicum collectum est, nullius amplius auctoritatis, nec olim fuisse, constat ex l. tanta 2. (quæ est constitutio de cõf. Digest.) §. hæc igitur. 17.

A 3

tionum